




BELANJAWAN TAHUN 1979




PERDANA
LEADERSHIP
FOUNDATION
YAYASAN
KEPIMPINAN
PERDANA



PERDANA
LEADERSHIP
FOUNDATION
YAYASAN
KEPIMPINAN
PERDANA

BELANJAWAN TAHUN 1979



PUSTAKA PERDANA



1010119



*Yang Berhormat Mulia, Tengku
Razaleigh Hamzah, Menteri Ke-
wangan, dengan 'Rahsia Penting'
belanja*

PERDANA
LEADERSHIP
FOUNDATION
YAYASAN
KEPIMPINAN
PERDANA

*Ucapan Yang Berhormat Mulia Tengku Razaleigh Hamzah
Menteri Kewangan, semasa membentangkan Rang Undang-
undang Perbekalan (1979) di Dewan Rakyat pada hari
Jumaat, 20.10.78, Jam 4.00 petang.*



PERDANA
LEADERSHIP
FOUNDATION
YAYASAN
KEPIMPINAN
PERDANA

SAYA mohon mencadangkan supaya suatu Rang Undang-undang bernama “Suatu Akta bagi menggunakan sebahagian dari Kumpulanwang Yang Disatukan untuk perkhidmatan tahun 1979 serta menguntukkan wang tersebut bagi kegunaan perkhidmatan tahun itu” dibacakan pada kali yang kedua.

Seperti di dalam Ucapan Belanjawan saya pada tahun lepas, saya akan menumpukan perhatian pada soal-soal dasar yang besar-besar saja, kerana kajian secara detail mengenai prestasi ekonomi, dan kewangan Malaysia bagi tahun ini dan juga mengenai pandangan dan harapan ekonomi bagi tahun hadapan, ada terkandung di dalam Laporan Ekonomi tahun 1979, yang akan diedarkan kepada Ahli-ahli Yang Berhormat sebagai tambahan kepada Ucapan Belanjawan saya ini. Memoranda hasil dan perbelanjaan serta lain-lain lampiran yang berkenaan, juga ada mengandungi, butir-butir yang perlu, sebagai tambahan kepada Ucapan Belanjawan saya ini.

Jumlah Peruntukan Perbelanjaan tahun 1979

Kerajaan kita adalah **melibatkan diri setegas-tegasnya** dalam usaha pembangunan ekonomi negara. Kita telah berjanji akan melaksanakan “cita-cita kita mewujudkan Malaysia gembira yang bersatu, bangga dan gagah.”



Oleh itu, bagi tahun 1979, adalah dicadangkan, supaya diperuntukkan wang, sejumlah **\$13,570 juta**, yang terdiri dari \$8,709 juta bagi Perbelanjaan Mengurus dan \$4,861 juta bagi Perbelanjaan Pembangunan di dalam Belanjawan tahun 1979. Ini bermakna, Perbelanjaan Mengurus bertambah 8.1 peratus lebih daripada Perbelanjaan Mengurus tahun 1978, dan Perbelanjaan Pembangunan bertambah 4.7 peratus lebih daripada Perbelanjaan Pembangunan tahun 1978. Walau bagaimanapun, Perbelanjaan Pembangunan bagi tahun 1979 akan ditambah lagi, apabila selesai kelak Kajian Semula Pertengahan-penggal Rancangan Malaysia Ketiga.

Peruntukan-peruntukan perbelanjaan bagi sektor-sektor pengurusan dan pembangunan makin berkait secara langsung sekarang kepada **mandat baru** yang diperolehi oleh Kerajaan untuk memberi keutamaan yang lebih kepada usaha membasmi **kemiskinan**, mengurangkan **pengangguran**, serta meneruskan proses menyusun semula masyarakat kita, dalam rangka **Dasar Ekonomi Baru** dan Rancangan Malaysia Ketiga. Begitu juga, Belanjawan ini akan mencerminkan keutamaan yang tinggi yang akan diberikan kepada usaha menjaga **keselamatan** negara dan menyelenggara undang-undang dan ketenteraman.

Jadi, kira-kira satu-per-lima atau \$1,924 juta dari **Perbelanjaan Mengurus** diperuntukkan kepada keselamatan dan kira-kira satu-per-tiga atau \$2,768 juta diperuntukkan kepada perkhidmatan kebajikan masyarakat. Ini termasuklah \$1,943 juta untuk pelajaran dan lebih \$650 juta untuk perkhidmatan kesihatan.

Perbelanjaan Pembangunan tahun 1979, akan juga merik-beratkan keperluan mengadakan lebih banyak lagi program-program membasmi kemiskinan dan menyusun semula masyarakat, dengan memberi peruntukan kira-kira tiga-per-lima atau \$2,690 juta dari Perbelanjaan Pembangunan itu kepada perkhidmatan-perkhidmatan ekonomi. Ini termasuklah **Pembangunan Pertanian** dan **Luarbandar**, yang akan menerima kira-kira satu-per-lima atau

\$770 juta dari Perbelanjaan Pembangunan tahun 1979. Sektor **Pengangkutan** juga telah diperuntukkan sebanyak \$715 juta atau satu-per-enam dari Perbelanjaan Pembangunan, sementara sektor **Komunikasi** diperuntukkan dengan \$593 juta bagi tahun 1979.

Dalam hal ini, saya akan membentangkan satu usul untuk menambah Perbelanjaan Pembangunan bagi tahun 1979 selepas ini.

Ahli-ahli Yang Berhormat harus bertanya mengapa kita perlu berbelanja begitu banyak ?

Jawapannya ialah, kerana Kerajaan terlibat sepenuhnya dalam usaha pembangunan negara untuk mencapai pertumbuhan ekonomi yang paling tinggi dan meluas demi kebajikan rakyat, terutama yang berpendapatan rendah. Pertumbuhan ekonomi dunia masih lembab dan ini mungkin menyebabkan kita tidak dapat mencapai hasil pendapatan dari pertukaran wang asing dan dari Hasil Belanjawan sebanyak yang kita harap-harapkan. Tetapi kita berazam terus hendak menimba dari tabungan negara dan meminjam lagi, kalau perlu, supaya dapat kita meningkatkan usaha-usaha pembangunan kita, demi kepentingan rakyat.

Ada setengah orang berfikiran macam pak pandir, kononnya kita tak payah meminjam. Wang dari Hasil Belanjawan sudah cukup untuk membiayai usaha-usaha pembangunan. Tetapi kita hendaklah sedar bahawa pendapatan dari Hasil Belanjawan itu kebanyakannya digunakan untuk menyelenggara perkhidmatan-perkhidmatan Kerajaan, keselamatan, undang-undang dan ketenteraman negara, dan juga untuk mengadakan lebih banyak lagi kemudahan-kemudahan seperti sekolah dan hosiptal dan bantuan teknik kepada kaum tani dan nelayan. Perbelanjaan Pembangunan pula digunakan untuk mengadakan kemudahan-kemudahan seperti taliair, ampuangan dan terusan, jalanraya, jambatan, membuka tanah baru untuk pembangunan, membeli alat-alat kelengkapan pertanian dan banyak lagi projek-projek pembangunan yang lain. Jadi, Perbelanjaan Pem

bangunan tidaklah dapat dibiayai dari Hasil Belanjawan semata-mata tetapi mestilah juga datang daripada pinjaman. Haruslah disedari bahawa nilai harta yang diujudkan melalui pinjaman adalah jauh melebihi jumlah yang dipinjam.

Tidaklah ada jalan lain lagi yang menasabah, melainkan meminjam. Ini adalah suatu prinsip yang penting dalam ilmu kewangan awam dan prinsip ini terutama sekali digunakan di dalam negara-negara yang sedang membangun di mana Kerajaannya terpaksa mengambil daya utama dalam usaha membangunkan ekonomi negaranya. Oleh itu, sama sekali tidak realistik dan samasekali tidak kena pada tempatnya saranan yang menyuruh kita jangan meminjam tetapi pakai sahaja wang dari Hasil Belanjawan Semasa yang ada untuk membiayai pembangunan ekonomi kita. Fikiran yang semacam ini bukan saja salah sangka tetapi nakal. Negara kita tidak mungkin mencapai kejayaan perkembangan sosio-ekonomi yang begitu dikagumi oleh dunia seperti hari ini kalau kita tidak mempunyai keupayaan yang kuat untuk meminjam, daripada pasaran-pasaran wang di dalam dan di luar negeri, untuk membiayai projek-projek besar-besaran yang telah diikhtiarkan oleh Kerajaan ini sejak Merdeka. Salah satu buktinya ialah taraf hidup rakyat adalah di antara yang tinggi di kalangan negara-negara membangun.

Institusi-institusi kewangan antarabangsa yang besar-besaran di dunia menaruh keyakinan pada kebolehan dan keupayaan ekonomi kita bukan saja untuk membayar hutang kita tetapi juga kebolehan dan keupayaan kita menggunakan wang yang dipinjam itu secekap-cekapnya untuk maksud-maksud yang membawa penghasilan yang baik dan berguna. Jumlah perkhidmatan membayar hutang adalah sebanyak \$1,369 juta atau kira-kira 16% dari Perbelanjaan Mengurus di dalam Belanjawan ini. Bagaimanapun, sebahagian besar dari jumlah ini adalah terdiri dari bayaran hutang dalam negeri, terutamanya dari punca-punca yang tidak menimbulkan inflasi seperti KWSP, Bank Simpanan Nasional dan Syarikat-syarikat Insurans. Suka saya menambah di sini, bahawa jumlah wang yang kita pinjam

dari luar negeri itu selama ini amat kecil. Nisbah pembayaran balik hutang yang dipinjam dari luar negeri, kalau dibandingkan dengan pendapatan tahunan eksport kita, hanyalah kira-kira 5 peratus setahun, iaitu di antara yang paling rendah di dunia. Bahkan, pakar-pakar ekonomi di negeri kita ini dan juga di luar negeri mengatakan kita cermat sangat meminjam. Saya hendak menegaskan di sini bahawa kalau kita kurangkan meminjam, bererti usaha pembangunan kita akan kurang. Ini akan menjejaskan kebajikan rakyat dan melumpuhkan dasar Kerajaan yang sudah terisytihar hendak menyusun semula ekonomi negara serta menghapuskan kemiskinan. Oleh itu mereka yang menentang peminjaman adalah disifatkan sebagai sengaja menentang kemajuan dan Dasar Ekonomi Baru.

Sebagai satu usaha yang positif bagi menentukan supaya kumpulan wang awam, yang dipinjam dari luar ataupun dari dalam negeri, digunakan sebaik-baiknya dan dengan cara yang sebijak-bijaknya bagi kemajuan dan pembangunan masyarakat Malaysia, Kerajaan sentiasa berusaha sedaya upaya untuk memperbaiki sistem peruntukan sumber-sumber dan pengurusan kewangan. Pelaksanaan **Sistem Belanjawan Program dan Prestasi (SBPP)** di dalam pengurusan awam menghendaki supaya agensi-agensi Kerajaan mestilah memberikan pertimbangan yang amat teliti bila membuat perancangan, pemilihan serta pelaksanaan segala program yang melibatkan kewangan awam. Dalam tahun ini pelaksanaan SBPP secara mendalam sudahpun dikembangkan kepada beberapa agensi Kerajaan dan akan terus diperluas di masa-masa yang akan datang. Untuk menyempurnakan sistem yang bertujuan memperbaiki perancangan program perbelanjaan awam ini, Kerajaan akan juga memperkenalkan **Audit Pengurusan** dalam beberapa agensi yang telah dipilih bagi tahun 1979. Ini akan merupakan satu perkhidmatan yang bebas untuk membantu pihak pengurusan membuat kajian dan penilaian yang sistematik dan berterusan mengenai prestasi tiap-tiap agensi Kerajaan.

Strategi Belanjawan

Oleh itu, Anggaran Perbelanjaan bagi tahun 1979 telah dirancang supaya mempunyai kaitan secara langsung dengan Strategi Belanjawan yang akan saya cadangkan sekarang. Strategi Belanjawan 1979 adalah bertujuan:

Untuk mengekalkan dan memajukan Pertumbuhan terus menerus Ekonomi Malaysia dan untuk meningkatkan Agihan Pendapatan dalam rangka Kestabilan Harga.

Jadi, Belanjawan ini adalah dirancang untuk memajukan pertumbuhan ekonomi, sambil mencegah tekanan-tekanan yang tidak berpatutan ke atas harga. Strategi ini akan menolong merendahkan kos penghidupan melalui langkah-langkah yang akan meninggikan pendapatan bersih setelah menolak cukai terutama sekali di kalangan masyarakat berpendapatan rendah. Strategi Belanjawan ini juga bertujuan **menggalakkan perkembangan pelaburan swasta yang sedia ada dan pertumbuhan dalam pengeluaran bahan-bahan makanan dari jenis pertanian.**

Oleh yang demikian Belanjawan tahun 1979 ini adalah belanjawan berkembang yang bersifat sederhana dan saksama.

Sebab-sebab Strategi Belanjawan Digunakan

Strategi Belanjawan bagi tahun 1979 telah dirancang dengan teliti selepas mengkaji kedudukan ekonomi antarabangsa keseluruhannya dan kesannya ke atas ekonomi Malaysia di masa depan.

Oleh sebab ekonomi Malaysia merupakan ekonomi terbuka dalam mana perdagangan antarabangsa merupakan kira-kira 50% daripada Keluaran Negara Kasar, maka tidaklah harus kita menjangka yang ekonomi kita tidak akan terjejas oleh arus ekonomi

antarabangsa bagi tahun hadapan yang tidak tentu dan tidak menggalakkan itu.

Ramalan Ekonomi untuk tahun 1979

Jadi bagaimanakah kedudukan ekonomi antarabangsa bagi tahun hadapan?

Setakat ini belumlah berapa jelas, sama ada segala ikrar hendak mengadakan tindakan bersama antarabangsa untuk menyelesaikan isu-isu ekonomi yang genting, pertumbuhan ekonomi yang terus lembab, kadar-kadar pengangguran dan inflasi yang terlalu tinggi, akan dapat atau tidak diselesaikan dalam masa 12 bulan yang akan datang.

Tetapi negara-negara perindustrian yang menghadapi masalah-masalah yang besar dan berat ini dalam negeri masing-masing, mungkin terpaksa mengambil langkah-langkah memperketat lagi dasar perlindungan perdagangannya yang tidak diinginkan itu. Jika ini berlaku, kita akan dapati perdagangan antarabangsa dan pertumbuhan ekonomi dunia akan menerima pukulan yang lebih hebat lagi.

Ramalan-ramalan ekonomi terakhir sudahpun menunjukkan negara-negara perindustrian akan mencapai kadar pertumbuhan purata yang lebih rendah, iaitu hanya sebanyak 3.3% dalam separuh masa pertama tahun 1979, berbanding dengan 4% di dalam separuh masa kedua tahun ini. Kadar inflasi juga yang sudah memang tinggi sebanyak 7% itu adalah dijangka tidak akan turun tetapi terus berada pada kadar yang tinggi sekarang ini pada tahun hadapan.

Memandangkan keadaan ekonomi antarabangsa yang sebegini rupa, hanya beberapa jalan saja terbuka bagi kita dalam merancang strategi ekonomi dan kewangan kita bagi tahun 1979. Pertama, kita boleh membiarkan saja ekonomi kita mengikut arus

ekonomi antarabangsa yang tidak pasti itu. Ini bermakna kita mengambil tindakan secara konservatif dengan mengurangkan usaha memperkembang ekonomi kita serta atau pun menaikkan cukai-cukai lebih tinggi lagi.

Kedua, kita boleh mengambil sikap tak peduli serta berkecuali dan membiarkan ekonomi kita terapung-apung, kalau pun tak tenggelam.

Ketiga, kita boleh mengambil sikap yang **positif yang bertujuan untuk berkembang, tetapi berhati-hati**, untuk mengurangkan dan seberapa boleh menahan dan mencegah kesan-kesan buruk yang timbul dari pertumbuhan ekonomi antarabangsa yang lembab, dan juga keadaan matawang antarabangsa yang tidak stabil.

Bagaimanapun, sukacita saya mengumumkan bahawa strategi belanjawan bagi tahun 1979 telah memilih langkah yang ketiga.

Ragam Langkah Belanjawan 1979 di dalam Konteks Strategi Belanjawan

Sekarang inginlah saya membentangkan **langkah-langkah utama tertentu** yang merupakan ragam belanjawan yang telah disediakan untuk mencapai matlamat-matlamat Strategi Belanjawan.

Untuk menggalakkan perkembangan yang lebih pesat dalam tingkatan aktiviti ekonomi, Kerajaan telah mengambil langkah utama dengan menambahkan lagi perbelanjaan bagi program-program sektor awam. Ini adalah perlu terutama sekali memandangkan kepada keperluan untuk mencapai kadar pembangunan yang lebih tinggi dalam sektor perindustrian dan perkilangan. Bagi mencapai tujuan ini, Kerajaan telah mengadakan berbagai langkah bagi menambah kemudahan-kemudahan infra-

struktur dan kemudahan-kemudahan bantuan supaya membolehkan sektor swasta menambah sempurnakan usaha-usaha Kerajaan dalam matlamat kita untuk menggalakkan pertumbuhan ekonomi yang lebih pesat dan perkembangan yang lebih cepat dalam sektor perindustrian. Perbelanjaan bagi kemudahan-kemudahan infrastruktur dan lain-lain perkhidmatan bantuan telah ditambah. Peruntukan bagi program-program infrastruktur utama telah diadakan memandangkan betapa perlunya menggalakkan pertumbuhan dalam sektor perindustrian. Program-program tersebut ialah: \$558 juta untuk Telekom, \$143 juta untuk Bekalan Air, dan \$600 juta untuk Bekalan Elektrik. Peruntukan bagi Jalanraya dan Jambatan telah dinaikkan kepada \$499 juta termasuk \$165 juta bagi jalan-jalan luarbandar yang akan ditar untuk memperbaiki kemudahan-kemudahan bagi penduduk-penduduk luarbandar dan mengurangkan kos penyelenggaraan. Kerajaan juga telah mengambil keputusan untuk menanggung semua perbelanjaan bagi meningkatkan dan menyelenggara jalan-jalan dalam kawasan-kawasan perkampungan FELDA. Sebagai tambahan, Kerajaan akan terus menyediakan kemudahan-kemudahan infrastruktur untuk kepentingan pertanian; sebanyak \$173 juta adalah diperuntukkan bagi 258 projek pengairan dan 38 projek perparitan.

Selaras dengan matlamat Kerajaan untuk menyusun semula masyarakat di bidang perdagangan dan perindustrian, sebanyak \$599 juta adalah diperuntukkan melalui berbagai agensi seperti UDA, MARA dan PKEN-PKEN untuk mengambil bahagian dalam aktiviti-aktiviti seperti pembinaan, pembangunan hartat tanah, perdagangan dan perindustrian dan latihan kemahiran.

Sektor perkilangan adalah sektor yang paling pesat berkembang di dalam ekonomi kita. Ianya telah berkembang menjadi sektor kedua terbesar, selepas sektor pertanian dan merupakan satu-per-lima daripada jumlah Keluaran Dalam Negara Kasar. Sektor perkilangan bukan saja berkembang dari segi jumlah dan

lingkungannya tetapi juga meliputi berbagai jenis kegiatan perindustrian. Serentak dengan itu, penggunaan teknologinya telah juga berkembang pesat menjadikannya satu sumber mendapatkan tukaran wang asing dan penggunaan gunatenaga mahir yang amat menggalakkan sejak beberapa tahun ke belakngan ini. Sektor perkilangan telah dapat memberi tunjangan kepada pemodenan ekonomi negara dan adalah menjadi hasrat Kerajaan untuk memperkukuh lagi kemajuan yang telah dicapai di dalam sektor ini.

Galakan-galakan yang sedia ada di bawah Akta Galakan Pelaburan (**Investment Incentives Act**) seperti taraf perintis, kredit cukai pelaburan, kelonggaran cukai penggunaan tenaga buruh, dan lain-lain adalah ditujukan khusus kepada perusahaan-perusahaan baru. Menyedari akan sumbangan yang boleh diberikan oleh perusahaan yang sudah bertapak terhadap pembangunan negara, saya mencadangkan untuk memberi Elaun Pelaburan Semula (**Reinvestment Allowance**) berjumlah sebanyak 25% daripada jumlah perbelanjaan yang digunakan ke atas logi, kejenteraan dan bangunan perindustrian untuk tempoh tiga tahun yang akan datang. Semua syarikat-syarikat yang sedang bergiat di dalam sektor perkilangan dan pemerosesan yang sekarang tidak menikmati apa-apa bentuk galakan di bawah Akta Galakan Pelaburan termasuk mereka yang sudahpun luput tempoh galakan mereka sekurang-kurangnya tiga tahun, adalah layak mendapat kemudahan elaun pelaburan semula ini. Galakan ini akan ditadbirkan oleh Jabatan Hasil Dalam Negeri tetapi sebelum syarikat-syarikat diberi kemudahan ini, rancangan perkembangan mereka hendaklah terlebih dahulu mendapat kelulusan daripada Kementerian Perdagangan dan Perindustrian sekiranya mereka tidak dikecualikan di bawah peruntukan Akta Penyelarasan Perindustrian (**Industrial Co-ordination Act**).

Saya rasa Ahli-ahli Yang Berhormat tentunya sedar akan adanya aduan-aduan mengenai kelewatan di dalam pelaksanaan dasar

perindustrian kita. Untuk membetulkan keadaan ini, Kerajaan baru-baru ini telah menubuhkan sebuah Unit Pusat di dalam organisasi FIDA untuk menyelaraskan dan melicinkan lagi perjalanan pelaksanaan dasar perindustrian kita.

Walaupun kita mempunyai tanah pertanian yang mencukupi untuk tanaman makanan, kegunaan tanah-tanah ini tidak dipergunakan sepenuhnya. Memandangkan bahawa penggunaan tanah pertanian yang lebih berkesan akan memberi manfaat kepada negara dari segi penjimatan tukaran wang asing dan harga barang-barang makanan yang mungkin menjadi lebih rendah dengan adanya bekalan yang lebih, adalah dicadangkan supaya diberi galakan di bawah Akta Galakan Pelaburan 1968, di dalam bentuk kredit cukai pelaburan berjumlah sebanyak 50% daripada perbelanjaan modal yang dilayakkan di atas pengeluaran makanan. Namun begitu, oleh kerana perbelanjaan modal di dalam sektor pertanian biasanya adalah lebih kecil berbanding dengan sektor perkilangan, adalah perlu difikirkan satu konsep "perbelanjaan modal yang dilayakkan" yang berlainan untuk sektor pertanian, supaya galakan ini dapat memberi faedah yang sewajarnya kepada mereka yang bergiat di dalam pertanian barang-barang makanan dan pemeliharaan ternakan secara perdagangan. Konsep yang akan digunakan akan diumumkan sekali dengan maklumat-maklumat lanjut mengenai galakan ini apabila Yang Berhormat Menteri Perdagangan dan Perindustrian membentangkan di dalam Dewan ini rang undang-undang mengenai perkara ini nanti. Suka saya menyebutkan di sini bahawa hanya syarikat-syarikat dan syarikat kerjasama sahaja yang layak dipertimbangkan untuk mendapat galakan ini. Untuk makluman Ahli-ahli Yang Berhormat, pada peringkat awal ini, hanya pengeluaran barang-barang makanan yang berikut sahaja layak diberi galakan di bawah cadangan ini:

- (i) Penanaman tanihan makanan dan buah-buahan,
- (ii) Penanaman sayur-sayuran,

- (iii) Ternakan ikan dan udang air tawar dan ternakan laut,
- (iv) Ternakan untuk daging dan susu.

Tambahan kepada senarai tersebut tadi akan diumumkan oleh Menteri Perdagangan dan Perindustrian dari masa ke semasa.

Saya mencadangkan untuk menaikkan duti eksport atas kelapa dan kelapa kering dari 10% kepada 15% sebagai satu langkah mengurangkan eksport dan supaya kilang-kilang minyak makan di-negara ini mendapat bekalan kelapa kering yang mencukupi. Ini juga akan memberi faedah kepada pengguna-pengguna. Cadangan ini tidak akan menjejaskan usaha penanam-penanam kelapa kerana permintaan dari kilang-kilang pengeluar minyak makan tempatan dan juga penggunaan di rumah akan berterusan.

Perusahaan minyak kelapa sawit di Sabah dan Sarawak yang berkembang terkemudian dari perusahaan di Semenanjung Malaysia, telah meminta bantuan supaya dikecualikan sebahagian duti eksport kerana kos pengeluaran yang tinggi. Walaupun duti eksport atas minyak kelapa sawit telah dipinda pada tahun yang lalu sahaja saya bercadang untuk memberi pengecualian duti sebanyak 30% atas minyak kelapa sawit yang dikeluarkan dan dieksport dari Sabah dan Sarawak. Bantuan sementara dalam bentuk pengecualian duti eksport sebanyak 50% yang telah diberi beberapa tahun kepada Lembaga-lembaga Kemajuan Tanah Sabah dan Sarawak untuk faedah peserta-peserta rancangan dan juga pekebun-pekebun kecil adalah dibatalkan, supaya pengecualian duti sebanyak 30% yang dicadangkan ini dapat dinikmati oleh semua pengeluar di Sabah dan Sarawak.

Saya ingin memaklumkan kepada Ahli-ahli Yang Berhormat yang saya tidak bercadang untuk meminda struktur duti eksport atas bahan-bahan utama pada tahun ini kerana perubahan yang besar telahpun dilaksanakan semasa Belanjawan tahun lalu. Walau

bagaimanapun, saya ingin memberi jaminan kepada Ahli-ahli Yang Berhormat bahawa perkara ini adalah senantiasa di dalam kajian.

Bagaimanapun, pada tahun ini saya ingin membuat dua penyeselaran dan ini adalah berkaitan dengan royalti balak dan cukai keuntungan bijih timah. Mengenai pembayaran royalti balak, undang-undang cukai pendapatan yang terdapat sekarang ini menguntukkan hanya pembayaran kepada Kerajaan-Kerajaan Negeri dibenarkan sebagai potongan untuk kiraan pendapatan yang dikenakan cukai. Tujuannya ialah untuk mengelakkan kegiatan Ali Baba. Walau bagaimanapun, apa yang berlaku di setengah-setengah negeri ialah PKEN yang telah mendapat hak untuk mengerjakan hutan balak itu kemudiannya memindahkan kuasa kerja itu kepada pembalak-pembalak swasta yang seterusnya menjalankan kerja pembalakan itu. Oleh yang demikian, peruntukan cukai yang ada sekarang membebankan pembalak seperti ini yang sebenarnya bukan Ali Baba. Oleh itu, adalah dicadangkan supaya Akta Cukai Pendapatan dipinda supaya pembayaran royalti kepada PKEN dan lain-lain badan negeri dibenarkan sebagai potongan. Berkenaan Cukai Keuntungan Timah pula, Ahli-ahli Yang Berhormat mungkin ingat akan pindaan yang dibuat tahun lepas untuk menggalakkan pengeluaran yang lebih terutama sekali oleh lombong-lombong gravel dan yang kecil. Saya bercadang untuk menurunkan kadar sut tertinggi cukai tersebut dari 15% kepada 12½%. Dengan pengurangan ini, saya harap perusahaan timah akan berada dalam keadaan yang lebih baik untuk menambahkan pengeluaran terutama sekali dalam konteks keadaan pasaran sekarang ini.

Selaras dengan program-program untuk menambahkan pengeluaran bahan-bahan utama, Kerajaan tidak melupai sumbangan daripada pekebun-pekebun kecil getah. Memandangkan kepada kenaikan perbelanjaan dalam penanaman semula yang dialami oleh pekebun-pekebun kecil, Kerajaan telah bersetuju supaya bantuan tanaman semula ditambah dari \$900 seekar kepada \$1,200 seekar bagi pekebun-pekebun kecil yang memiliki 10 ekar dan

kurang. Bagi tahun 1979, sejumlah \$40 juta telah diperuntukkan bagi tujuan tersebut.

Kerajaan juga sudah memulakan persediaan bagi **perkhidmatan-perkhidmatan perkembangan** pertanian ke seluruh negara dengan tujuan untuk mengukuhkan satu sistem penyebaran maklumat yang cekap dan tunjuk ajar yang berkesan kepada petani-petani bagi meningkatkan dan memodenkan sektor pertanian tradisional. Oleh itu Kerajaan telah memperolehi pinjaman sebanyak \$48 juta daripada Bank Dunia untuk membiayai rancangan lima tahun ini. Adalah diharapkan bahawa hasil dari rancangan pengeluaran pertanian akan meningkat supaya dapat menambahkan bukan saja pendapatan petani-petani tetapi juga bekalan bahan-bahan makanan. Ini juga akan membantu usaha-usaha menstabilkan harga.

Seperti Ahli-ahli Yang Berhormat sedia maklum, Malaysia adalah pengeluar terbesar lima bahan utama di dunia. Oleh itu, adalah wajar bagi kita berdiri dan memajukan satu Pasaran Barangan yang berkesan.

Cukai pegangan sebanyak 15% di atas bayaran faedah yang dikenakan ke atas mereka yang bukan pemastautin menggerakkan bank-bank perdagangan di Malaysia dan juga bank-bank asing daripada mewujudkan pasaran antarabangsa bagi ringgit kita. Ini adalah kerana kalau bank-bank ini hendak berbuat demikian mereka perlulah menyimpan wang ringgit di Malaysia, dan bank-bank di Malaysia pula perlu meminjam di luar negeri untuk membiayai operasi jualbeli wang pertukaran asing. Oleh kerana wang simpanan dari pinjaman itu pada lazimnya ialah; untuk jangkamasa pendek maka faedah yang dibayar atasnya adalah dikenakan cukai pegangan. Hal ini menyebabkan bertambahnya kos jualbeli wang pertukaran asing. Kos tambahan ini akan dikenakan pula oleh bank-bank perdagangan kepada pengeksport-engeksport, menjadikan mereka kurang upaya bertanding. Ini

juga bermakna bahawa kadar pertukaran ringgit yang disebut di Malaysia dan di luar negeri tidaklah dapat menjadi semurah yang seharusnya disebut. Keadaan ini mempunyai implikasi yang serius dalam usaha memajukan Kuala Lumpur sebagai Pusat Antarabangsa yang menarik bagi perdagangan barangan. Selain dari itu, beban cukai pagangan ini menggerak bank-bank perdagangan dan saudagar di Malaysia daripada menyertai secara aktif dalam mengatur pinjaman wang luar kepada institusi-institusi Malaysia, oleh kerana pinjaman-pinjaman semacam itu biasanya dibiayai di luar negeri dalam bentuk pinjaman jangka pendek. Tetapi bank-bank asing tidak kena beban semacam ini. Oleh sebab faktor-faktor yang saya sebut tadi, saya mencadangkan supaya bank-bank perdagangan Malaysia, termasuklah bank-bank saudagar, dikecualikan daripada terpaksa memegang cukai ke atas faedah yang terbayar kepada bank-bank yang bukan pemastautin.

Sekarang sukaiah saya menyentuh hal perkapalan. Sebagaimana Ahli-ahli Yang Berhormat masih ingat, saya telah mengumumkan dalam Belanjawan tahun lepas bahawa kajian akan dibuat untuk mengkaji kemungkinan menyediakan galakan-galakan untuk industri perkapalan. Skim ini sekarang telahpun dirangka dan saya sukaiah menyebut di sini ciri-ciri utamanya sahaja. Galakan yang akan diberikan kepada perusahaan perkapalan Malaysia adalah dalam bentuk pelepasan penuh dari cukai pendapatan untuk jangka masa selama 12 tahun bermula dari tahun operasi awal. Sebagai tambahan, dividen-dividen yang diberikan kepada pemegang-pemegang saham sehingga kadar maksimum 10% daripada modal yang dibayar akan dikecualikan daripada cukai. Bagaimanapun, syarikat-syarikat perkapalan adalah dikehendaki mengkredit baki dari untung bersih, selepas diambil-kira pembahagian dividen, kepada tabung pembesaran bilangan kapal-kapal untuk digunakan bagi mendapatkan tambahan kapal-kapal. Perusahaan perkapalan yang telah sedia ujud akan mendapati mereka tidak layak mendapat galakan ini oleh sebab syarat-

syarat yang telah ditetapkan. Dalam hal ini mereka bolehlah membuat permohonan berasingan kepada Kementerian saya bagi membolehkan permohonan yang sesuai dipertimbangkan mengikut kes masing-masing.

Saya juga mencadangkan supaya satu kumpulan wang diluluskan untuk maksud memberi bantuan kewangan jangka panjang yang mencukupi serta dengan kos yang rendah kepada industri perkapalan tempatan. Dengan langkah-langkah ini limbungan kapal akan dapat maju dan bertanding di peringkat Antarabangsa bagi membina kapal-kapal untuk eksport dan memjalani aktiviti-aktiviti membaiki kapal. Oleh itu, satu kumpulan wang akan dibentuk yang akan dilancarkan dengan sejumlah pinjaman dari Kerajaan atas kadar faedah yang rendah. Kumpulan Wang ini akan mempunyai peruntukan-peruntukan yang membenarkannya meminjam daripada punca-punca lain dan juga memberi jaminan kredit eksport untuk kegunaan industri perkapala. Surat-surat janji hutang yang diterima oleh limbungan-limbungan kapal boleh juga didiskaunkan dengan Bank Negara atas kadar faedah yang rendah. Adalah diharapkan sebagai permulaan, kemudahan-kemudahan yang telah saya sebutkan itu akan mempercepatkan perkembangan industri perkapalan di negara ini.

Sebagai tambahan, Kerajaan telah bersetuju memberi bantuan kepada perusahaan pembinaan kapal tempatan dengan cara mempelawa tawaran-tawaran bagi pembelian kapal dari limbungan-limbungan kapal tempatan yang mempunyai keupayaan dan kepakaran untuk membina jenis-jenis kapal dan kapal-kapal kecil yang diperlukan oleh Kerajaan. Di mana kepakaran ini tidak ada, amalan biasa bagi mempelawa tawaran-tawaran antarabangsa akan diteruskan.

Cadangan-cadangan Kewangan

Sekarang biarlah saya menyentuh **dasar kewangan**. Kerajaan memang memandang berat supaya pasaran-pasaran kewangan dapat

bergerak dengan cekap dan berkesan. Pada peringkat perkembangan sistem kewangan negara sekarang, apabila pemindahan sumber-sumber modal negara yang cekap menjadi amat penting, maka kita mestilah mengutamakan soal bagaimana hendak menambah kecakapan pasaran-pasaran kewangan kita.

Oleh itu, untuk memajukan pembangunan dan pemodenan struktur kewangan negara ini supaya dapat mengisi dengan lebih efektif lagi akan tujuan-tujuan dasar negara, maka beberapa **cadangan** kewangan yang melibatkan perkara-perkara yang berikut akan dikemukakan:-

Pertama, sistem menentukan kadar-kadar faedah yang terdapat pada masa ini akan diubah. Dari sekarang bank-bank perdagangan akan menentukan kadar-kadar faedah yang hendak dibayarnya untuk simpanan dan juga kadar peminjaman untuk pelanggan-pelanggan utamanya. Tetapi kadar faedah maksima yang bank-bank boleh mengenakan bagi pinjaman-pinjaman kepada kumpulan-kumpulan yang tertentu atau sektor-sektor yang diutamakan, iaitu masyarakat bumiputera, peniaga-peniaga kecil dan untuk membeli rumah oleh orang perseorangan, akan terus ditentu atau diperaturkan oleh Bank Negara. Sistem baru ini merupakan satu kemajuan di dalam tujuan menggalakkan persaingan yang lebih giat di kalangan perusahaan bank supaya menguntungkan para penyimpan dan peminjam.

Kadar faedah bagi simpanan dengan syarat-syarat syarikat kewangan yang dilesenkan sebagai syarikat-syarikat meminjam telah dibebaskan daripada peraturan ini sejak 1hb Ogos, 1973 dan kadar potongan ke atas Bil-bil Perbendaharaan adalah ditetapkan dengan cara tender terbuka sejak 20hb Ogos, 1973. Kadar-kadar simpanan dan pinjaman bagi bank-bank saudagar pula,

memang sudahpun ditentukan oleh faktor-faktor pasaran. Berhubung dengan dasar kewangan dan pengurusan sistem kewangan, Kerajaan akan terus mempunyai kawalan yang berkesan ke atas keseluruhan paras kadar faedah di dalam negeri dengan menggunakan kaedah-kaedah yang ujud sekarang seperti nisbah mudah tunai (**liquidity ratio**) yang perlu dikekalkan oleh bank-bank, cadangan berkanun (**statutory reserves**) yang perlu disimpan oleh bank-bank dengan Bank Negara dan juga langkah-langkah yang dapat menentukan supaya bekalan wang sentiasa cukup di dalam pasaran bagi memenuhi matlamat-matlamat Kerajaan.

Kedua, struktur mudah tunai yang diperlukan bagi bank-bank perdagangan dan syarikat-syarikat kewangan akan diubah semula bagi mencerminkan dengan lebih baik keadaan mudah tunai bank yang sebenar.

Ketiga, dua kaedah kewangan yang baru, iaitu 'bankers acceptances and negotiable certificates of deposits' atau "ke-sanggupan bank dan perakuan simpanan yang boleh dinagakan" akan diperkenalkan dengan tujuan bukan sahaja untuk memajukan lagi pasaran wang, tetapi yang lebih penting lagi ialah untuk meninggikan kecekapan di dalam pasaran tersebut supaya simpanan swasta dapat digerakkan dengan lebih berkesan.

Bagi melaksanakan cadangan-cadangan di atas, pindaan-pindaan ke atas Akta Bank, 1973 dan Akta Syarikat-syarikat Meminjam 1969, akan dibentangkan di dalam Dewan ini.

Selain dari itu, adalah juga dicadangkan untuk meletakkan bank-bank saudagar, yang pada masa ini bergerak di bawah sistem garis panduan tidak rasmi yang dikenakan oleh Bank Negara, di bawah pengawasan Akta Bank 1973. Tujuan langkah-langkah

ini adalah untuk menjamin supaya bank-bank saudagar menjalankan fungsi-fungsi yang ditetapkan untuk mereka, selaras dengan matlamat dasar negara. Langkah-langkah ini juga diambil supaya mereka menjalankan urusan-urusan mereka berdasarkan prinsip-prinsip pengurusan yang baik.

Saya suka menegaskan lagi bahawa **dasar kewangan yang ada pada masa ini akan dikekalkan** untuk terus menggalakkan pemulihan ekonomi. Ini adalah penting di saat sektor swasta mulai bergerak kembali. Maka mustahaklah diadakan perseimbangan antara dorongan kewangan dan fiskal yang sesuai bagi menggalakkan pertumbuhan ekonomi serta menahan kenaikan harga. Oleh itu dasar kewangan akan ditentukan oleh Strategi Belanjawan saya dan tidak ada sebarang langkah kewangan akan diambil yang mungkin mengencat kegiatan sektor swasta.

Saya suka menerangkan kepada Ahli-ahli Yang Berhormat bahawa **bekalan wang** kita semakin bertambah dalam beberapa tahun yang kebelakangan ini. Walaubagaimana pun saya ingin menambah bahawa sungguhpun imbalan pembayaran kita baik serta ada pertambahan dalam simpanan pertukaran asing, diperkuat pula dengan dasar-dasar berkembang Kerajaan dan kegiatan sektor swasta yang semakin luas, tetapi dasar kewangan kita yang cermat ini dijangka akan mengekang pertumbuhan bekalan wang kepada kira-kira 20% dalam tahun ini. Kadar ini adalah baik jika dibandingkan dengan kadar pertumbuhan yang lebih tinggi iaitu sebanyak 28% dalam tahun 1972 dan 38% dalam tahun 1973. Tambahan pula, anggaran pertambahan mudah tunai dalam sektor swasta sebanyak kira-kira 18% adalah baik dibandingkan dengan pertumbuhan ekonomi sebanyak 11.4% dalam harga semasa bagi tahun 1978.

Saya suka menegaskan bahawa kita sentiasa memerhatikan penambahan dalam bekalan wang, oleh kerana ia boleh mengakibatkan kenaikan harga dan kos kehidupan.

Matlamat Kedua Dalam Strategi Belanjawan

Sekarang saya akan bercakap lebih lanjut mengenai matlamat kedua Strategi Belanjawan tahun 1979 ini, yang bertujuan “untuk meningkatkan agihan pendapatan dalam rangka harga-harga yang stabil.”

Soal meningkatkan agihan pendapatan adalah berkaitan langsung dengan tindakan mengekalkan harga-harga yang stabil. Semua kita maklum, bahawa tidak ada faedahnya menambahkan pendapatan jika ini akan membuatkan harga bertambah tinggi, kerana akibatnya **pendapatan sebenar** kita akan lebih rendah pula. Pendek kata, harga-harga yang tinggi pada hakikatnya akan mengurangkan pendapatan sebenar kita, dari segi kuantiti dan mutu barang-barang dan perkhidmatan yang kita beli.

Di samping itu, mengawal kenaikan harga adalah satu lagi jalan menolong rakyat melawan kenaikan kos hidup, yang sebahagian besarnya disebabkan oleh inflasi yang berasal dari negara-negara perindustrian. Oleh itu maksud Kerajaan ialah hendak menolong mengekal serta meningkatkan **pendapatan sebenar** bagi rakyat yang berpendapatan rendah dengan memberikan **Kelongsaran Cukai** dan **Subsidi**, dan juga dengan cara menggalakkan Simpanan.

Kelongsaran cukai, subsidi dan galakan simpanan ini boleh membantu mengatasi beberapa kesan buruk inflasi, sambil **mengurangkan kesusahan** kepada semua orang, terutama kumpulan mereka yang bergaji tetap dan berpendapatan rendah akibat dari keadaan inflasi yang menjadi penyakit zaman moden ini.

Adalah juga disedari bahawa usaha-usaha Kerajaan untuk menggalak dan mengembangkan kemajuan ekonomi mungkin mewujudkan pula beberapa tekanan inflasi. Oleh itu Kerajaan merancang untuk menggalakkan simpanan yang akan mengurang-

kan simpanan yang akan mengurangkan **mudahtunai** yang berlebihan di negeri ini. Selain daripada itu, Kerajaan berniat menggalakkan simpanan untuk menanamkan semangat berjimat di kalangan rakyat dan menggalakkan rakyat membeli harta-harta tetap seperti **rumah** dan lain-lain harta kewangan yang boleh digunakan untuk pelaburan perniagaan dan aktiviti-aktiviti usahawan yang lain.

Pada masa sekarang, hanya simpanan dengan Bank Simpanan Nasional mendapat faedah daripada pengecualian cukai ke atas faedah yang diperolehi dari simpanan yang tidak melebihi \$20,000. Adalah dicadangkan sekarang supaya simpanan dengan bank-bank perdagangan dan lain-lain institusi yang diluluskan seperti koperasi, syarikat kewangan, Bank Pertanian dan Lembaga Urusan dan Tabung Haji patut juga layak mendapat galakan ini, tetapi tertakluk kepada had pengecualian cukai yang lebih rendah, supaya kedudukan persaingan Bank Simpanan Nasional tidak terganggu. Saya mencadangkan sekarang tingkat faedah yang dikecualikan daripada cukai bagi simpanan di institusi-institusi tersebut dihadkan kepada \$600 berbanding dengan had \$1,400 yang dibenarkan untuk Bank Simpanan Nasional. Jumlah maksima faedah yang seseorang penyimpan boleh mendapat ialah sebanyak \$2,000 yang merupakan pendapatan daripada jumlah simpanan tabungan lebih kurang \$33,400 dikirakan pada kadar faedah 6%. Jumlah faedah ini adalah lebih tinggi daripada pengecualian cukai yang masa ini diberikan ke atas faedah dari simpanan tidak melebihi \$20,000 dengan Bank Simpanan Nasional. Saya sukalah, walau bagaimanapun, menjelaskan bahawa hanya simpanan dalam bentuk akaun simpanan sahaja layak mendapat pengecualian cukai pendapatan.

Saya juga telah mengulangkaji mengenai potongan maksima sebanyak \$3,000 yang dibenarkan untuk maksud cukai pendapatan yang dibuat sebagai sumbangan kepada kumpulan wang simpanan dan premium insurans. Had \$3,000 ini sudah tidak sesuai lagi oleh kerana kadar sumbangan kepada skim-skim kumpulan wang telah bertambah dari masa ke semasa dan begitu juga dengan kadar

premium atas polisi insurans. Dalam pada itu, adalah difikirkan juga bahawa kadar elaun tidak patut diberi dengan banyak kerana ini akan menguntungkan golongan berpendapatan tinggi yang memang mampu membeli polisi insurans yang mahal dan juga boleh berkhitiar menyumbang kepada kumpulanwang persaraan yang lain. Dengan itu saya mencadangkan supaya potongan yang dibenarkan ke atas sumbangan kepada kumpulanwang simpanan dan premium insurans dinaikkan dari \$3,000 kepada \$3,500.

Dengan tujuan untuk menampung keperluan-keperluan asas dan memperbaiki keadaan hidup yang tidak memuaskan, adalah menjadi hasrat Kerajaan untuk mengadakan kemudahan-kemudahan perumahan yang mencukupi untuk rakyat terutama mereka yang berpendapatan rendah. Bagi tahun 1979, peruntukan yang besar akan disediakan sebagai pinjaman kepada Kerajaan-kerajaan Negeri untuk membiayai pembinaan rumah-rumah kos rendah. Untuk mempercepat pembinaan rumah-rumah ini oleh Kerajaan-kerajaan Negeri maka Kerajaan Persekutuan telah mengarahkan tiap-tiap Kerajaan Negeri supaya menubuhkan unit perumahannya sendiri. Untuk mengurangkan masalah perumahan di Kuala Lumpur, peruntukan yang agak besar telah diluluskan. Jumlah besar bagi kedua-dua perkara ini ialah \$450 juta.

Perkhidmatan pengangkutan awam terutamanya di bandar-bandar telah menjadi sasaran kritik terutama sekali tentang mutu dan kecekapan perkhidmatan. Perusahaan pengangkutan awam biasanya berjalan di bawah keadaan yang mendesak disebabkan kenaikan kos operasi dan juga perbelanjaan besar yang diperlukan bagi membeli bas baru. Walau bagaimanapun, bayaran tambang yang dikenakan oleh syarikat-syarikat bas hanya dapat dinaikkan selepas mendapat kelulusan Kerajaan. Oleh yang demikian, pendapatan bersih mereka tidaklah mencukupi bagi membolehkan mereka memperbaiki mutu perkhidmatan dengan mengganti bas-bas yang sudah tua pada masa yang sesuai ataupun menambah bilangan bas yang sedia ada. Atas tujuan membantu mereka mem-

baik mutu perkhidmatan, saya bercadang untuk mengurangkan duti eksais atas bas dari 15% kepada 5%. Cukai jalan atas bas juga dikurangkan sebanyak 25%. Pada masa yang sama cukai tempat duduk yang sepatutnya berakhir pada penghujung tahun 1979, adalah juga dibatalkan. Dengan pengurangan cukai ini kepada pengusaha-pengusaha pengangkutan awam, maka saya berharap mutu perkhidmatan pengangkutan awam akan menjadi lebih baik.

Sebagai satu langkah lanjutan untuk meringankan beban inflasi dan juga bagi mengadakan peluang perniagaan yang lebih luas bagi peniaga-peniaga, duti import atas beberapa jenis barang-pengguna akan dikurangkan. Pengurangan duti import yang paling penting ialah atas buah-buahan sebanyak 50%. Buah-buahan ini termasuklah durian, epal, oren dan lain-lain. Langkah ini diambil oleh kerana penjual buah-buahan telah mengambil kesempatan menaikkan harga yang tak menasabah oleh kerana duti import yang tinggi dan kerana kekurangan buah-buahan tempatan. Walau-bagaimana pun petani-petani tidak sangat mendapat faedah dari harga yang tinggi dan pengguna-pengguna pula terpaksa membayar harga yang tinggi. Keadaan ini perlu dibaiki dengan mengurangkan duti import supaya persaingan di antara buahan tempatan dengan buahan import akan mendorong jatuhnya harga buah-buahan. Walaupun kadarnya dikurangkan sebanyak 50% kadar cukai setelah dipinda masih lagi memberikan perlindungan yang cukup kepada petani-petani yang menanam buah-buahan di negara ini. Saya berharap supaya nikmat pengurangan duti 50% ini dapat dirasakan oleh pengguna-pengguna dalam bentuk harga yang lebih rendah. Di samping itu kredit cukai pelaburan yang saya cetuskan untuk menggalak pengeluaran makanan termasuk buah-buahan diharap akan menggalakkan pengeluaran buah-buahan tempatan secara besar-besaran dan ini akan menguntungkan petani-petani dan juga pengguna-pengguna.

Peti-peti radio dan TV adalah merupakan media perhubungan yang popular dan patutlah dimiliki lebih luas lagi oleh penduduk.

Apabila perkhidmatan TV berwarna dilancarkan sepatutnya lebih ramai orang dapat mengikuti pancaran berwarna ini. Oleh kerana sebahagian besar penduduk negara ini hanya berupaya membeli TV berwarna yang kecil, adalah dicadangkan supaya dikurangkan duti import dari 45% kepada 25% keatas peti TV warna dan peti TV hitam/putih yang mempunyai ukuran 16 inci atau kurang. Bagi peti TV yang mempunyai ukuran lebih dari 16 inci, duti import akan dikurangkan kepada 35% sahaja: Duti eksais atas peti TV yang dipasang di dalam negeri yang berukuran 16 inci atau kurang dikurangkan dari 15% kepada 5%, bagi TV yang lebih besar, kadar duti eksais yang ada sekarang sebanyak 10% dikekalkan. Bagi radio, kadar duti import dikurangkan dari 30% kepada 20% dan dari 25% kepada 15%, bergantung kepada jenis radio itu.

Saya juga telah membatalkan duti import atas kertas tulis dan cetakan. Import duti atas alat-alat muzik dikurangkan dari 45% kepada 25% dan bagi alat-alat solek dan minyak wangi duti dikurangkan dari 60% kepada 45%. Perubahan-perubahan duti import yang lain juga dibuat untuk menyelaraskan kadar duti yang ada sekarang ini.

Pungutan cukai jualan daripada tukang jahit telah membangkitkan beberapa masalah kerana terdapat/bilangan tukang jahit yang ramai. Oleh sebab kekurangan pengetahuan menyimpan buku kira-kira dan jenis perniagaannya yang kecil, tukang-tukang jahit ini tidak dapat menyempurnakan tugasnya sebagai wakil pemungut hasil bagi pihak Kerajaan. Oleh kerana itu, saya bercadang mengecualikan tukang-tukang jahit dari dilesenkan di bawah Akta Cukai Jualan. Pengecualian ini walaubagaimana pun, tidak melimpahi syarikat-syarikat pembuat pakaian.

Ramai orang bersungut bahawa cara-cara menyelesaikan duti harta pesaka di bawah undang-undang yang ada sekarang ini amatlah menyulitkan penerima-penerima harta pesaka. Saya bercadang tidak akan mengenakan faedah ke atas duti harta pesaka bagi satu

tempoh sehingga selepas 30 hari daripada tarikh penerimaan tak-siran duti. Peraturan ini dibuat sementara Enakmen Duti Harta Pesaka dikaji semula. Langkah juga diambil untuk mengecualikan dari duti harta pesaka apa-apa harta pesaka tambahan yang diterima oleh waris si mati yang menjadi pencarum KWSP sekiranya pencarum itu meninggal dunia sebelum berumur 60 tahun. Pengecualian ini berkuatkuasa mulai 1 Ogos 1977 iaitu bersamaan dengan tarikh sekim faedah kematian KWSP dimulakan

Buat masa ini, saya tidak bercadang untuk meminda pelepasan cukai kepada individu-individu oleh kerana pembayar cukai telah pun mendapat ribat sebanyak \$60 seorang dan \$30 untuk isteri. di Sungguh pun demikian kadar pelepasan untuk anak-anak perlu ditambah supaya dapat meringankan beban yang ditanggung oleh ibu bapa. Oleh itu, saya cadang menaikkan kadar elaun untuk anak-anak kepada \$800 bagi anak yang pertama, \$700 untuk anak kedua, \$600 anak ketiga, \$500 anak keempat dan \$400 anak kelima, menjadikan jumlah pelepasan maksima \$3,000 iaitu \$650 lebih dari maksima sekarang ini. Saya juga mengambil peluang ini untuk menaikkan pelepasan untuk anak-anak yang cacat dari \$300 kepada \$400 seorang.

Sebanyak \$2,411 juta adalah disediakan bagi Pelajaran dan \$775 juta bagi Kesihatan dalam kedua-dua anggaran belanja mengurus dan belanja pembangunan dalam Belanjawan ini. Ini bertujuan untuk mengembangkan sumber-sumber tenaga manusia dan meningkatkan keupayaan teknologi kita bagi mencapai matlamat **menghapuskan kemiskinan** dan meninggikan pendapatan sebenar bagi golongan berpendapatan rendah.

Langkah-langkah ini juga akan membolehkan belia-belie kita, terutamanya, untuk lebih bersedia mengambil kesempatan dari peluang-peluang pekerjaan baru di samping menambahkan daya penghasilan mereka dengan adanya kemudahan-kemudahan kesihatan yang lebih baik dan kemudahan latihan teknikal.

Dalam bidang Pelajaran, sebanyak \$421 juta adalah diperuntukkan bagi mengadakan 6,968 bilik darjah bagi pelajaran rendah dan 4,483 bilik darjah bagi pelajaran menengah. Begitu juga, sebanyak \$16 juta adalah diperuntukkan bagi pembinaan 6 buah maktab perguruan bagi melatih 4,320 orang guru. Kerajaan juga akan membina lebih banyak asrama bagi menempatkan murid-murid dari kawasan-kawasan luarbandar.

Kerajaan akan terus berusaha untuk mencapai matlamatnya bagi memperbaiki kesihatan awam terutama bagi penduduk-penduduk di kawasan luarbandar di mana kemudahan-kemudahan akan ditambah.

Patut juga saya maklumkan bahawa bantuan-bantuan subsidi Kerajaan adalah berjumlah lebihkurang \$350 juta iaitu \$150 juta bagi maksud-maksud pengeluaran dan \$200 juta bagi maksud-maksud masyarakat. Bantuan subsidi secara langsung bagi maksud-maksud pengeluaran termasuklah projek-projek seperti penanaman semula getah, tanaman ladang, perusahaan perikanan, penanaman semula dan pemulihan kelapa. Bantuan subsidi secara langsung bagi maksud-maksud masyarakat termasuklah perkara-perkara seperti biasiswa, dan projek-projek Amalan Nilai Pemakanan. Perkhidmatan-perkhidmatan dan pinjaman-pinjaman yang diberi oleh Kerajaan atas syarat-syarat istimewa memang mempunyai unsur-unsur bantuan subsidi secara tak langsung.

Ramalan Kewangan 1979

Ahli-ahli Yang Berhormat tentu bersetuju bahawa Belanjawan ini adalah berpatutan dan boleh dikatakan ringan.

Ahli-ahli Yang Berhormat mungkin tertanya-tanya bagi mana Kerajaan mampu membuat perubahan-perubahan cukai dan subsidi itu?

Jawapannya ialah keadaan kewangan kita terus menjadi bertambah kukuh. Kedudukan kewangan dan pengurusannya yang baik telah membolehkan Kerajaan memberi konsesi cukai dan subsidi seperti yang telah saya sebutkan.

Ahli-ahli Yang Berhormat tentulah sukacita mendapat tahu bahawa lebih Akaun Semasa bagi Belanjawan tahun 1978 sekarang ini dianggarkan sebanyak \$120 juta. Walaupun terdapat pertambahan yang besar dalam perbelanjaan mengurus, lebih ini telah terkumpul bagi menampung tambahan dalam perbelanjaan pembangunan. Saya ingin menambah bahawa lebih ini mungkin akan bertambah lagi sekiranya harga-harga barangan yang mengalakkan sekarang ini berterusan hingga akhir tahun.

Prestasi Belanjawan tahun 1979 adalah dijangka baik dan mungkin lebih baik dari tahun 1978. Hasil Belanjawan tahun 1979 adalah dianggar bertambah pada kadar 10% kepada \$9,100 juta, manakala perbelanjaan mengurus dijangka bertambah pada kadar 8.1% kepada \$8,709 juta berbanding dengan Anggaran Belanjawan asal bagi tahun 1978.

Dengan itu, anggaran pada masa ini untuk Akaun Semasa Belanjawan tahun 1979 akan menunjukkan lebih sebanyak \$391 juta, iaitu sebelum mengambil kira perubahan-perubahan cukai-cukai yang saya telah cadangkan itu.

Saya ingin menambah yang lebih Belanjawan yang memuaskan ini telah juga mengambil kira sebahagian besar subsidi-subsidi yang telah saya sebutkan seperti ditunjukkan di bawah Perbelanjaan Mengurus bagi Belanjawan tahun 1979.

Potongan cukai pula adalah dianggarkan berjumlah \$51.3 juta. Bila potongan cukai ini diambil kira, maka Akaun Semasa Belanjawan Tahun 1979 sekarang bolehlah dijangka menunjukkan lebih kira-kira \$340 juta.

Ahli-ahli Yang Berhormat akan bersetuju bahawa Kerajaan memang boleh mengambil kesempatan dari kemenangan pilihanraya yang besar baru-baru ini untuk menaikkan cukai. Akan tetapi Kerajaan kita adalah Kerajaan yang bertanggungjawab, oleh sebab itu tidaklah ia menggunakan kedudukannya pilihanraya yang kuat itu. Malah Kerajaan telah memilih untuk membuat potongan-potongan cukai dalam Belanjawan ini. Ini adalah kerana Kerajaan mengutamakan kepentingan negara dan berazam untuk memajukan pertumbuhan ekonomi dan membantu rakyat menikmati taraf hidup yang lebih selesa.

Oleh kerana itu dalam Belanjawan ini Kerajaan akan bergantung lebih kepada pertumbuhan dan perkembangan ekonomi serta kelicinan jentera memungut cukai daripada mengemukakan cukai-cukai baharu untuk membiayai perbelanjaan mengurus dan perbelanjaan pembangunan Kerajaan.

Pembiayaan Keseluruhan Belanjawan

Saya telah menyebut di awal tadi yang peruntukan Perbelanjaan Pembangunan sebanyak \$4,861 juta adalah anggaran awal sahaja bagi tahun 1979, dan ianya akan dilengkapi lagi apabila Kajian Separuh Penggal RMT disiapkan pada tahun hadapan. Oleh itu, jumlah Perbelanjaan Pembangunan akan dibiayai sebahagiannya oleh lebihan Akaun Semasa Belanjawan yang telah saya sebutkan, dan baki bagi Perbelanjaan Pembangunan akan dibiayai dengan mudahnya seperti biasa melalui pinjaman-pinjaman dari dalam dan luar negeri.

Ramalan Keadaan Ekonomi Malaysia Dalam Tahun 1979

Saya telahpun menyatakan prospek ekonomi dan kewangan bagi tahun 1979. Saya telah juga menerangkan Strategi Belanjawan tahun 1979 yang telah dirancang bagi mengatasi masalah-masalah dan isu-isu dalam negeri berikutan darinya.

Setakat mana yang boleh, kita tidak akan membiarkan keadaan ekonomi antarabangsa yang tidak memuaskan itu memberi kesan buruk ke atas prospek ekonomi kita dan kesejahteraan sosio-ekonomi rakyat kita. Kita telah dan akan terus berusaha bersungguh-sungguh setakat mana yang boleh sebagai persediaan untuk mengatasi masalah-masalah ekonomi dan kewangan antarabangsa yang mungkin kita hadapi di masa hadapan.

Strategi Belanjawan tahun 1979 telah meletakkan **matlamat** pertumbuhan ekonomi Malaysia sebanyak kira-kira 7.2% dari segi sebenar. Inflasi akan dikawal dan dijangka akan stabil pada kira-kira 5% pada tahun hadapan.

Begitu juga, Imbangan Pembayaran kita dijangka berada dalam keadaan yang kukuh walaupun permintaan luar negeri bagi bahan-bahan eksport utama kita dijangka semakin kurang dan jumlah import akan bertambah disebabkan kita perlu mengekalkan kadar pertumbuhan ekonomi kita yang tinggi.

Bersabit dengan ini, sukacitalah saya memberitahu Dewan bahawa **cadangan** rasmi sekarang ini berjumlah lebih dari \$7 ribu juta iaitu cukup bagi membiayai kira-kira tujuh bulan import tertanggung pada paras sekarang. Walaupun **ringgit** telah turun nilainya dalam beberapa bulan kebelakangan ini berbanding dengan matawang sekumpulan negara-negara utama yang berdagangan dengan Malaysia, keadaan ini adalah kesan sementara, berilutan dari aliran wang keluar disebabkan oleh bayaran import yang bertambah, dividen syarikat, pembayaran awal hutang luar negeri oleh sektor swasta dan penerimaan hasil eksport yang lazimnya kurang pada masa ini. Walau bagaimanapun, di minggu-minggu kebelakangan ini, ringgit kita telah pulih dan kembali stabil berbanding dengan matawang negara-negara utama yang berdagangan dengan Malaysia, nilai ringgit telah turun tak sampai pun 2% dan cadangan

rasmi luar negeri kita telah bertambah lebih daripada \$300 juta sejak awal tahun ini.

Kelemahan dolar Amerika Syarikat yang berpanjangan dengan sendirinya adalah satu perkara yang membimbangkan kita oleh kerana sebahagian besar dari pendapatan tukaran asing kita adalah di dalam matawang tersebut yang menjadi matawang penyelesaian dalam perdagangan antarabangsa. Dalam jangka masa bulan Januari sehingga pertengahan bulan ini, nilai dolar Amerika Syarikat telah susut lebih daripada 11% berbanding dengan Deutsche-mark, hampir 23% berbanding dengan Yen Jepun dan kira-kira 6% berbanding dengan ringgit. Mujur jugalah, dasar kita bagi menyimpan cadangan rasmi luar negeri dalam beberapa matawang telah melindungi kita dari mengalami kerugian akibat kejatuhan nilai dolar Amerika Syarikat itu. Lagi pun, oleh kerana kira-kira 70% daripada hutang awam luar negeri kita adalah dalam dolar Amerika Syarikat, kita akan memperolehi keuntungan daripada pengurangan sebanyak 6% dalam pembayaran faedah hutang yang dinilai dalam dolar Amerika Syarikat.

Penutup

Dengan menggunakan Strategi Belanjawan tahun 1979 ini, kita yakin bahawa ekonomi Malaysia akan dapat menghadapi, bahkan mengatasi, segala masalah ekonomi dan kewangan antarabangsa yang sentiasa mempengaruhi suasana ekonomi dalam negeri kita.

Sekiranya keadaan ekonomi dunia merosot lebih dari yang yang kita jangka, mungkin padah akibatnya bagi kita. Akan tetapi, Kerajaan kita akan terus berusaha sedaya-upayanya bagi mengatasi masalah-masalah itu dan menentukan supaya rakyat akan terus menikmati suasana yang aman, sentosa, berkeadilan sosial dan kehidupan yang mewah bagi seluruh masyarakat.

Pilihanraya sudah selesai. Kerajaan telah berikrar "untuk meningkatkan mutu hidup seluruh warganegara, terutama sekali yang

tidak berada, dengan memperluas kemudahan-kemudahan pelajaran kesihatan, perumahan, pengangkutan dan perkhidmatan masyarakat”.

Kita telah memutuskan berazam dan akan melaksanakan ikrar ini demi kepentingan rakyat. Kita juga telah mendapat sokongan yang amat kuat daripada rakyat untuk melaksanakan ikrar kita-itu. Ini adalah suatu tanggungjawab kita semua yang berat di Dewan ini. Marilah kita sama-sama berusaha dengan semangat cita-cita bersama dan marilah kita bersikap rasional dalam pemikiran dan approach kita dan janganlah mencemarkan nasib negara dan tanah air kita dengan menimbulkan perkara-perkara yang mungkin merosakkan ekonomi kita.

Dengan semangat kerjasama demi kepentingan negara ini, Insyaa-Allah berkat taufik dan hidayah dari Allah Subhanahu-Wa-Taala, dapatlah kita semua hidup di dalam negara yang terus mewah di dalam keadaan yang aman dan stabil.

Ringkasan Langkah Cukai-cukai Langsung

1. Elaun Pelaburan Semula

Skop: Galakan ini diberi kepada perusahaan perkilangan dan memproses yang menjalankan usaha perkembangan yang diluluskan oleh Kementerian Perdagangan dan Perindustrian.

Jenis Galakan: 25% daripada perbelanjaan atas jentera, mesin dan bangunan perindustrian akan dibenarkan ditolak dari pendapatan yang diselaraskan (sama dengan kredit cukai pelaburan).

Tarikh kuatkuasa: Tahun-tahun taksiran 1980, 1981 dan 1982 bagi tahun-tahun asas 1979, 1980 dan 1981.

2. Galakan-galakan Cukai bagi Industri Perkapalan

Skop: Galakan-galakan akan diberi kepada kegiatan-kegiatan perkapalan.

Jenis Galakan:

- Pendapatan berkanun sesebuah syarikat perkapalan akan dikecualikan selama 12 tahun dari tarikh permulaan perniagaan.
- Bayaran dividen yang dikecualikan cukai sebanyak 10% dibenarkan.

Syarat: Syarikat-syarikat perkapalan dikehendaki mengkreditkan baki daripada keuntungan bersih yang telah diodit (sebelum cukai) selepas membayar dividen, kepada Fleet Expansion Reserve untuk digunakan bagi menambah bilangan kapal. Perbelanjaan sebanyak 75% dari Reserve ini dikehendaki dibuat bagi tujuan ini pada akhir tempoh pengecualian.

Tarikh kuatkuasa: Tahun taksiran 1979.

3. Galakan-galakan bagi Industri Makanan

Skop: Galakan-galakan diberi untuk penanaman buah-buahan, tanaman makanan, sayur-sayuran, ternakan ikan air-tawar, udang, hidupan laut dan ternakan binatang-binatang untuk daging dan susu.

Jenis Galakan: Kredit cukai pelaburan sebanyak 50% daripada perbelanjaan yang digunakan untuk melaksanakan projek yang diluluskan diberi.

Tarikh kuatkuasa: Tahun taksiran 1979.

4. Pengecualian Cukai Pegangan Atas Faedah

Skop: Pengecualian cukai akan dilanjutkan kepada bank-bank perdagangan dan bank-bank saudagar tempatan.

Jenis Galakan: Cukai pegangan sebanyak 15% yang dikenakan atas faedah yang dibayar kepada orang-orang yang bukan pemastautin oleh bank-bank tempatan akan dihapuskan.

Tarikh kuatkuasa: Tahun taksiran 1979.

5. Cukai Keuntungan Bijih Timah

Peruntukan Sekarang: Cukai Keuntungan Bijih Timah dikenakan atas keuntungan bijih timah yang melebihi \$10,000 pada kadar-kadar berperingkat seperti berikut:-

\$200,000 yang pertama	5%
\$200,000 kemudiannya	10%
Melebihi \$400,000	15%

Perubahan yang di-cadangkan: Kadar cukai yang tertinggi akan dikurangkan dari 15% kepada 12½%

Tarikh kuatkuasa: Tahun taksiran 1979.

6. Galakan-galakan Fiskal bagi Simpanan-simpanan

Peruntukan Sekarang: Faedah yang diperolehi daripada simpanan-simpanan dikenakan cukai kecuali bagi faedah yang diperolehi dari Bank Simpanan Nasional bagi simpanan-simpanan yang tidak melebihi \$20,000.

- Perubahan yang di-cadangkan:
- a) Faedah sebanyak \$600 yang diperolehi dari simpanan dalam bank-bank perniagaan, Tabung Haji, syarikat-syarikat kerjasama, Bank Pertanian atau syarikat-syarikat pinjaman yang dilesenkan akan dikecualikan daripada cukai.
 - b) Bagi Bank Simpanan Nasional pengecualian cukai akan diberi atas faedah sebanyak \$1,400 yang diperolehi dari simpanan-simpanan dengan bank itu dan bukan di atas jumlah simpanan sebanyak \$20,000.

Tarikh kuatkuasa: Tahun taksiran 1979.

7. Pelepasan bagi Anak-anak

Skop: Tambahan kepada pelepasan bagi anak-anak diberi kepada pembayar-pembayar cukai pemastautin.

Jenis pelepasan: Tambahan yang dicadangkan adalah seperti berikut:-



	Pelepasan Sekarang	Pelepasan yang dicadangkan
Anak pertama	\$750	\$800
Anak kedua	500	700
Anak ketiga	500	600
Anak keempat	300	500
Anak kelima	300	400
	<hr/>	<hr/>
	\$2,350	\$3,000
	<hr/>	<hr/>

Bagi anak-anak yang cacat pelepasan disemak daripada \$300 kepada \$400 seorang.

Tarikh Tahun taksiran 1979.
kuatkuasa:

8. Tambahan kepada pelepasan bagi Insurans dan Caruman KWSP

Peruntukan Pelepasan sekarang yang boleh ditolak bagi pre-
Sekarang: miam-premium insurans dan caruman-caruman
kepada Kumpulan Wang Simpanan Pekerja-pekerja
ialah \$3,000.

Langkah Elaun tersebut akan ditambahkan daripada \$3,000
yang di- kepada \$3,500.
cadangkan:

9. Duti Harta Pesaka

Peruntukan a) Kumpulan Wang Simpanan Pekerja-pekerja
telahpun menubuhkan satu skim baru iaitu
Skim Faedah Kematian yang mana bayaran
diberi kepada waris-waris ahli kumpulan wang
yang meninggal dunia sebelum umur 60 tahun.
Bayaran ini dikenakan duti pesaka.

- b) Faedah dikenakan atas duti harta pesaka yang harus dibayar dari masa kematian iaitu sebanyak 3% bagi 6 bulan yang pertama, 6% bagi 6 bulan yang kedua dan 12% selepas itu.

Perubahan- a) Bayaran yang dibuat kepada waris-waris di
perubahan bawah Skim Faedah Kematian akan dikecualikan
yang dicadangkan: daripada duti harta pesaka.

- b) Apa-apa faedah atas duti harta pesaka yang kena dibayar dari tarikh kematian akan dikecualikan daripada cukai selama 30 hari dari tarikh notis taksiran dikeluarkan.

Tarikh kuatkuasa Tahun taksiran 1979.

Perubahan-perubahan Duti Ekspot

No. BTN	Perkara	Kadar sekarang	Kadar yang di-cadangkan
08.01	Kurma, pisang, kelapa, Brazil nuts, pinang, nenas, etc. Kelapa		
110	Buah kelapa (fresh)	10%	15%
12.01	Bijian minyak, oleaginous fruit; sebiji dan dpecahkan		
200	Kelapa kering	10%	15%
15.07	Minyak sayur-sayoran, bentuk cecair dan 'solid', mentah, yang telah diproses.		
180	Minyak kelapa sawit	Kadar seperti di Lampiran E, Perintah Duti Kastam, 1978	Pengekspot minyak kelapa sawit di Sabah dan Sarawak hanya membayar 70% dari kadar cukai yang ada sekarang.

Perubahan-Perubahan Duti Impot

No. BTN	Perkara	Unit Kiraan	Kadar sekarang	Kadar yang dicadangkan
08.01	Avocados, mangga, jambu dan manggis			
610	buah avocados	tonne	\$881.85	\$440.90
620	buah mangga	tonne	\$881.85	\$440.90
630	buah jambu	tonne	\$881.85	\$440.90
640	buah manggis	tonne	\$881.85	\$440.90
08.02	Buah-buah "citrus"			
	"fresh" atau dikeringkan.			
	Oranges.			
110	buah oren	tonne	\$1322.77	\$661.40
120	buah oren dikeringkan	kg	\$1.32	0.66 sen
	Mandarins.			
211	limau mandarin	tonne	\$1322.77	\$661.40
212	limau mandarin dikeringkan	kg.	\$1.32	0.66 sen
290	lain-lain	tonne	\$1322.77	\$661.40
300	lemons dan limes	tonne	\$1322.77	\$661.40
400	limau (grapefruit)	tonne	\$1322.77	\$661.40

No. BTN	Perkara	Unit Kiraan	Kadar sekarang	Kadar yang dicadangkan
900	lain-lain	tonne	\$1322.77	\$661.40
08.03	Figs, "fresh" atau dikeringkan			
100	buah figs (fresh)	tonne	\$1322.77	\$661.40
200	buah dikeringkan	tonne	\$1322.77	\$661.40
08.04	Buah Anggor (fresh) dan kering			
100	Buah anggor	tonne	\$1322.77	\$661.40
200	Buah anggor dikeringkan	tonne	\$1322.77	\$661.40
08.05	"Nuts"			
100	'almonds'	kg.	44 sen	22 sen
200	'hazelnuts'	kg.	44 sen	22 sen
990	lain-lain	kg.	44 sen	22 sen
08.06	Buah epal, buah 'pear' dan quinces			
110	epal (apple)	tonne	\$1322.77	\$661.40
200	buah "pears" dan "quinces"	tonne	\$1322.77	\$661.40
08.07	Buah jenis keras (stone fruit)			
110	buah "peaches"	tonne	\$1322.77	\$661.40
200	buah "plum"	tonne	\$1322.77	\$661.40
900	lain-lain	tonne	\$1322.77	\$661.40

08.08	Buah "berries"	tonne	\$1322.77	\$661.40
08.09	Lain-lain jenis buah-buahan Buah-buahan Tropika			
	110 rambutan	tonne	\$1322.77	\$661.40
	120 durian	tonne	\$1322.77	\$661.40
	130 langsung	tonne	\$1322.77	\$661.40
	140 tembikai	tonne	\$1322.77	\$661.40
	150 papaya	tonne	\$1322.77	\$661.40
	160 nangka	tonne	\$1322.77	\$661.40
	170 mata kucing (termasuk longan)	tonne	\$1322.77	\$661.40
	190 lain	tonne	\$1322.77	\$661.40
	900 lain	tonne	\$1322.77	\$661.40
08.10	000 Buah-buahan disimpan sejuk beku	tonne	\$1653.46	\$826.70
08.10	Buah-buahan yang disimpan (preserved) sementara tapi tidak sesuai untuk dimakan terus.			
	100 di dalam tempat tak masuk angin	tonne	\$1653.46	\$826.70
	900 lain-lain	tonne	\$1653.46	\$826.70
08.12	000 Buah-buahan selain dari pechahan kepala di atas	tonne	\$1322.77	\$661.40
08.13	000 Kulit buah-buahan	tonne	\$ 330.69	
85.15	TV Warna			

210	dijalankan oleh kuasa elektrik mempunyai luas cermin (screen) 41.6cm dan kurang.	No.	45%	25%
220	dijalankan oleh kuasa elektrik, lain-lain	No.	45% atau \$250, yang mana lebih tinggi.	35%
230	dijalankan oleh kuasa bateri, mempunyai luas cermin (screen) 41.6cm dan kurang	No.	45%	25%
231	dijalankan oleh kuasa bateri, lain-lain	No.	45% atau \$250, yang mana lebih tinggi.	35%
TV hitam/putih				
250	dijalankan oleh kuasa elektrik, mempunyai luas cermin (screen) 41.6cm dan kurang.	No.	45%	25%
260	dijalankan oleh kuasa elektrik, lain-lain	No.	45% atau \$250, yang mana lebih tinggi.	35%
270	dijalankan oleh kuasa bateri, mempunyai luas cermin (screen) 41.6cm dan kurang	No.	45%	25%
271	dijalankan oleh kuasa bateri, lain-lain	No.	45% atau \$250, yang mana lebih tinggi.	35%

85.15	311)	Radio yang dipasang di kereta dengan mempunyai kuasa 108-174 MHZ dan di sertakan dengan perakam dan "reproducer"	No.	30%	20%
	319)	Radio yang dipasang dikereta tanpa perakam dan "reproducer"	No.	25%	15%
	391)	Radio "portable" dengan perakam dan "reproducer"	No.	30%	20%
	399)	Radio "portable" tanpa perakam dan "reproducer"	No.	25%	15%
	411)	Radio "portable" dengan perakam dan "reproducer"	No.	30%	20%
	419)	Radio "portable" tanpa perakam dan "reproducer"	No.	25%	15%
	491)	Lain-lain radio, dijalankan oleh kuasa elektrik dengan perakam dan "reproducers".	No.	30%	20%
	499)	Radio dijalankan oleh kuasa bateri dengan perakam dan "reproducers".	No.	30%	20%
	511)	Radio tanpa perakam dan "reproducer"	No.	25%	15%
	531)	Radio tanpa perakam dan "reproducer" dijalankan oleh kuasa elektrik.	No.	25%	15%
	541)	Radio tanpa perakam dan "reproducer" dijalankan oleh kuasa bateri.	No.	25%	15%
92.01		Piano (termasuk piano otomatik) lain-lain alat musik bertali, harps	No.	45%	25%
	100	piano	No.	45%	25%
	200	lain alat musik bertali	No.	45%	25%
	900	lain-lain	No.	45%	25%

No. BTN	Perkara	Unit Kiraan	Kadar sekarang	Kadar yang dicaadangkan
100	'Bow instruments''	No.	45%	25%
200	'plucked stringed instruments'	No.	45%	25%
900	lain-lain	No.	45%	25%
92.03 000	Organ	No.	45%	25%
92.04 000	Accordion & 'concertinas''	No.	45%	25%
92.05 000	Lain-lain alat musical ''wind''	No.	45%	25%
92.06 000	Alat-alat musik percussion	No.	45%	25%
92.07 000	Alat-alat musik electro magnetic, electrostatic etc.	No.	45%	25%
92.08 000	Alat-alat musik yang tidak termasuk dibawah mana-mana pecahan kepala.	No.	45%	25%
92.10	Bahagian dan alat-alat berkaitan dengan alat music.	No.	45%	25%
100	perforated music rolls	No.	45%	25%

Bahagian gantian untuk piano.

210	tali	No.	45%	25%
290	lain-lain	No.	45%	25%
900	lain-lain	No.	45%	25%
33.06	Minyak wangi, alat-alat solek dan bahan-bahan gunaannya bilek air, campuran "essential oil" termasuk keluaran sesuai untuk kegunaan perubatan.			
	Minyak wangi, mengandungi "spirit"			
110	untuk kegunaan biasa	nilai	60%	45%
120	lain-lain kegunaan	nilai	60%	45%
	Minyak wangi tidak mengandungi "spirit"			
150	untuk kegunaan biasa	nilai	60%	45%
160	lain-lain kegunaan	nilai	60 ^{2/3} %	45%
	Alat solek dan lain bahan untuk penjagaan kulit			
201	bedak talcum	nilai	60%	45%
202	bedak muka	nilai	60%	45%
203	krim (cream) untuk make-up dan membasoh muka	nilai	60%	45%
204	cat 'grease' (termasuk yang digunakan di p...)	nilai	60%	45%
205	tonik untuk kulit	nilai	60%	45%
206	lipstick	nilai	60%	45%

No. BTN	Perkara	Unit Kiraan	Kadar sekarang	Kadar yang dicadangkan
207	pensel penghitam/ penghias bulu mata dan bulu kening	Nilai	60%	45%
209	bahan-bahan "sun-tan" dan pelindung "sun-burn"	Nilai	60%	45%
210	"deodorants"	Nilai	60%	45%
299	lain-lain	Nilai	60%	45%
	Bahan-bahan mencantek kuku.			
301	pelicin dan "varnishes" kuku	Nilai	60%	45%
302	penghilang "varnish"	Nilai	60%	45%
	Bahan-bahan menjaga rambut.			
351	bahan mencantek rambut	Nilai	60%	45%
352	minyak rambut	Nilai	60%	45%
353	krim (cream) dan penghias rambut	Nilai	60%	45%
354	shampoo	Nilai	60%	45%
355	pewarna rambut	Nilai	60%	45%
356	minyak mengerinting rambut	Nilai	60%	45%
399	lain-lain	Nilai	60%	45%

48.01	Kertas Kertas percetakan dan tulisan: Kertas cetak "uncoated".					
	211	lebar tidak melebihi 25cm	Tonne	30%	nil	
33.01	"Essential oils"					
	110	minyak "citronella"	L	30%	nil	
	120	minyak "cucalyptus"	L	30%	nil	
	130	minyak nilam (pachouli)	L	30%	nil	
	140	daripada lada	L	30%	nil	
	190	lain-lain	L	30%	nil	
	200	hasil keluaran terpenic	L	30%	nil	
	300	"concentrates of essential oil"	L	30%	nil	
39.07	620	Lampu-lampu (fittings) dari fluorescent	Nilai	30%	20%	
	690	Lain-lain	Nilai	15%	20%	
70.14	110	Lampu-lampu kaca yang menggunakan kuasa letrik	Nilai	45%	20%	
71.09		'Platinum' dan lain-lain jenis bahan platinum				
	100	platinum dan campuran platinum	kg.	15%	5%	
	200	lain-lain bahan dalam kumpulan platinum	kg.	15%	5%	
	300	platinum dan lain-lain bahan platinum dipisahkan separuh	kg.	15%	5%	
	000	Platinum yang digulung	kg.	15%	5%	

No. BTN	Perkara	Unit Kiraan	Kadar sekarang	Kadar yang dicadangkan
83.07	Lampu-lampu dan perhiasan lampu etc. yang dibuat dari bahan besi yang lain			
	191 flourescent	Nilai	30%	20%
	199 lain-lain	Nilai	15%	20%
84.12	Alat penyejuk			
	990 Bahagian-bahagian alat penyejuk.	No.	—	45%
87.02	Kereta untuk mengangkat barang dan orang.			
	102 siap dipasang (completely built up)	No.	60% to 100%	30%
94.01	Kerusi dan lain-lain tempat duduk:			
	100 Kerusi dan lain tempat duduk	No.	25%	50%
	900 Bahagian kerusi dan tempat duduk	Nilai	25%	50%

Perubahan-Perubahan Duti Eksais

Bil. Kod	Perkara	Kadar Sekarang	Kadar yang dicadangkan
14.14.1	T V Warna - dengan luas cermin (screen) 41.6cm dan kurang	10% atau \$60 satu yang mana lebih tinggi.	5%
14.14.2	T V Warna - dengan luas cermin (screen) melebihi 41.6cm	10% atau \$60 satu yang mana lebih tinggi.	10%
14.15.1	T V hitam/putih - dengan luas cermin (screen) 41.6cm dan kurang	10% atau \$60 satu yang mana lebih tinggi.	5%
14.15.2	T V Hitam/putih - dengan luas cermin (screen) melebihi 41.6cm	10% atau \$60 satu yang mana lebih tinggi.	10%
15.3.1	Kereta motor untuk mengangkut barang-barang dan orang	25% — 60%	15%
15.2	Bas, kenderaan kereta motor yang mempunyai tempat duduk untuk 6 orang dan lebih.	15%	5%

Perubahan Cukai Atas Bas

Perkara	Kadar Sekarang	Kadar dicadangkan
	Petrol	Petrol
	Diesel	Diesel
1. Cukai Jalan atas Bas	Kurang dari 2000c.c. ... \$10/- satu bulan	Kurang dari 2000c.c. ... \$7.50 satu bulan
	Lebih dari 2000c.c. ... \$15/- satu bulan	Lebih dari 2000c.c. ... \$12.75 satu bulan
	Kurang dari 1500c.c. ... \$80/- satu bulan	Kurang dari 1500c.c. ... \$60/- satu bulan
	1500c.c. — 2500c.c. ... \$100/- satu bulan	1500c.c. — 2500c.c. ... \$75/- satu bulan
	2500c.c. — 3500c.c. ... \$120/- satu bulan	2500c.c. — 3500c.c. ... \$90/- satu bulan
	Melebihi 3500c.c. ... \$220/- satu bulan	Melebihi 3500c.c. ... \$165/- satu bulan.

2. Cukai Tempat Duduk \$4 satu kerusi/tempat duduk untuk satu bulan atau 4% dari jumlah pungutan kas bagi satu bulan.

**KELUARAN NEGARA KASAR MENGIKUT JUMLAH
PERMINTAAN 1972-79**

pada harga tetap tahun 1970, Malaysia
[\$ juta]

	1972	1973	1974
Perbelanjaan Penggunaan: Awam	2,738 (+26.2)	2,919 (+ 6.6)	3,516 (+20.5)
Swasta	8,613 (+ 8.9)	10,450 (+21.3)	12,776 (+22.3)
† Pembentukan Modal Tetap: Awam	886 (+12.0)	1,049 (+18.4)	1,596 (+52.1)
Swasta	2,049 (+ 8.4)	2,908 (+41.9)	4,154 (+42.8)
† Perubahan Simpanan	- 150	+ 86	+ 714
† Eksport barangan dan perkhidmatan	5,121 (- 2.3)	7,767 (+51.7)	11,043 (+42.2)
- Import barangan dan perkhidmatan	5,037 (+ 0.02)	6,557 (+30.2)	10,941 (+66.9)
= Keluaran dalam Negeri Kasar pada harga pasaran	14,220 (+ 9.6)	18,622 (+31.0)	22,858 (+22.7)
- Bayaran faktor bersih ke seluruh negara	- 378 (+ 4.1)	- 659 (+74.3)	- 997 (+51.3)
= Keluaran Negara Kasar pada harga tetap	13,842 (+ 9.9)	17,963 (+20.8)	21,861 (+21.7)
Keluaran Negara Kasar pada harga semasa	13,903 (+ 9.7)	15,365 (+10.5)	16,545 (+ 7.7)

() % kadar perubahan tahunan

Sumber: Laporan Ekonomi 1978/79.

JADUAL 1

1975	1976	1977	1978 Anggaran terakhir	1979 Ramalan
3,924 (+11.6)	4,301 (9.6)	5,500 (+27.9)	6,100 (+10.9)	6,700 (+ 9.8)
13,086 (+ 2.4)	14,594 (+11.5)	16,550 (+13.4)	18,850 (+13.9)	21,112 (+12.0)
2,004 (+25.6)	2,280 (+13.8)	2,900 (+27.2)	3,220 (+11.0)	3,760 (+16.8)
3,257 (-21.6)	3,490 (+ 7.2)	4,085 (+17.0)	4,768 (+16.7)	5,603 (+17.5)
- 381	- 130	- 110	+ 362	+ 220
10,172 (-7.9)	14,554 (+43.1)	16,188 (+11.2)	17,611 (+8.8)	19,801 (+12.4)
9,730 (-11.1)	11,184 (+14.9)	13,073 (+16.9)	15,259 (+16.7)	17,131 (+12.3)
22,332 (- 2.3)	27,905 (+25.0)	32,040 (+14.8)	35,652 (+11.3)	40,065 (+12.4)
- 726 (-27.2)	- 931 (+28.2)	-1,189 (+27.7)	-1,280 (+ 7.7)	-1,470 (+23.6)
21,606 (- 1.2)	26,974 (+ 24.8)	30,851 (+14.4)	34,372 (+11.4)	38,595 (+12.3)
16,916 (+ 2.2)	18,699 (+10.5)	20,116 (+ 7.6)	21,558 (+ 7.2)	23,102 (+ 7.2)
			% Pembaha- gian 18%	% Pembaha- gian 17%
			55%	55%
			9%	10%
			14%	15%
			1%	0.6%
			51%	51%
			44%	44%
			4%	4%
			100%	100%



IMBANGAN PEMBAYARAN* 1972 - 79
\$ juta, Malaysia

	1972	1973
1. IMBANGAN SEMASA	<u>-698</u>	<u>+246</u>
Imbangan perdagangan	+365	+1,594
Imbangan perkhidmatan ^{1/}	-906	-1,197
Imbangan pindahan	-157	-151
2. IMBANGAN MODAL	<u>+1,177</u>	<u>+605</u>
Modal jangka panjang rasmi	+660	+120
Private long-term capital ^{2/}	+517	+485
3. IMBANGAN MODAL (1 + 2)	<u>+479</u>	<u>+851</u>
4. MODAL KEWANGAN SWASTA ^{3/}	- 15	+258
5. KESILAPAN DAN KETINGGALAN ^{4/}	- 75	-533
6. IMBANGAN KESELURUHAN (3 + 4 + 5)	<u>+389</u>	<u>+576</u>
7. PERUNTUKAN HAK-HAK PENGELUARAN KHAS ^{5/}	+ 60	-
8. SUMBER KWA (Kumpulan Wang Antarabangsa)	-	-
9. PERUBAHAN BERSIH DALAM CADANGAN ^{6/} BANK NEGARA MALAYSIA	-449	-576

* Data-data mulai tahun 1974 telah dipinda.

- 1/ Termasuk tambangan dan insurans, perjalanan dan pendapatan pelaburan.
- 2/ Modal pelaburan syarikat dan pinjaman-pinjaman perdagangan MAS DAN MISC.
- 3/ Merujuk kepada perubahan dalam harta luar negeri bersih kepunyaan bank-bank perdagangan. Mulai dari tahun 1974 termasuk harta kepunyaan Syarikat kewangan, bank-bank saudagar dan lain-lain urusniaga kewangan.
- 4/ Butir perimbangan.
- 5/ Peruntukan untuk tahun 1970, 1971 dan 1972 sahaja.
- 6/ Termasuk pengeluaran dari KWA sebanyak \$265 juta bagi tahun 1976 dan kecuali pembayaran balik \$265 juta bagi tahun 1977.

Sumber: Laporan Ekonomi 1978/79.

JADUAL 2

1974	1975	1976	1977	1978 Anggaran	1979 Ramalan
<u>-1,151</u>	<u>-757</u>	<u>+1,855</u>	<u>+1,355</u>	<u>+296</u>	<u>-288</u>
+ 672	+724	+ 782	+ 742	+2,893	+2,633
-1,719	-1,402	-1,807	-2,287	-2,499	-2,827
- 104	- 79	- 100	-100	-98	-94
<u>+1,109</u>	<u>+1,716</u>	<u>+1,406</u>	<u>+1,784</u>	<u>+2,019</u>	<u>+3,099</u>
+276	+872	+489	+621	+726	+929
+833	+844	+917	+1,163	+1,293	+2,170
<u>+457</u>	<u>+959</u>	<u>+3,261</u>	<u>+3,139</u>	<u>+2,315</u>	<u>+2,811</u>
+366	- 83	- 175	-1,280	- 970	-1,350
-371	-705	-1,032	-1,104	-1,195	-1,061
<u>+452</u>	<u>+171</u>	<u>+2,054</u>	<u>+755</u>	<u>+150</u>	<u>+400</u>
-	-	-	-	-	-
-	-	+265	-265	-	-
-452	-171	-2,319	-490	-150	-400

KEWANGAN KERAJAAN PERSEKUTUAN 1977-79

(\$ juta)

	1977	
	sebenar	
1. Hasil belanjawan biasa	7,760	(+26.0)
2. Perbelanjaan belanjawan biasa	7,398	(+26.9)
3. Lebihan/kurangan kira-kira semasa	+ 362	
4. Perbelanjaan pembangunan (bersih) ^{a/}	<u>3,138</u>	(+34.4)
(a) Perbelanjaan pembangunan langsung	2,014	(+27.1)
(b) Pinjaman bersih kepada kerajaan-kerajaan negeri dan badan-badan awam	1,124	(+50.1)
5. Kurangan keseluruhan	-2,776	
6. Punca-punca pembiayaan:		
(a) Pinjaman bersih dalam negeri	1,887	
(b) Pinjaman bersih luar negeri	<u>535</u>	
(i) Pasaran	154	
(ii) Projek	381	
(c) Special receipts	-265	^{b/}
(d) Change in assets ^{c/}	+619	
Total financing	2,776	

() % kadar perubahan tahunan.

^{a/} Peruntukan belanjawan bagi tahun 1978 ialah sebanyak \$4,644 juta dan bagi tahun 1979 adalah sebanyak \$4,861 juta.

^{b/} Merupakan pembayaran balik pembiayaan imbohan daripada Kumpulanwang Antarabangsa bagi tahun 1976.

^{c/} † bererti kekurangan.

Sumber: Laporan Ekonomi 1978/79.

20hb. Oktober, 1978.

JADUAL 3

1978		1979 Belanjawan		
Anggaran Belanjawan	anggaran disemak	Pada kadar cukai sekarang	Termasuk cukai-cukai baru	
8,275 (+ 6.6)	8,220 (+ 5.2)	9,100 (+10.7)	9,049	(+10.1)
8,058 (+ 8.9)	8,100 (+ 9.5)	8,709 (+ 7.5)	8,709	(+ 7.5)
+ 217	+ 120	+ 391	+340	
<u>3,400</u> (+ 8.3)	<u>3,600</u> (+14.7)	<u>4,000</u> (+11.1)	<u>4,000</u>	(+11.1)
2,500 (+24.1)	2,600 (+25.1)	2,800 (+ 7.7)	2,800	(+ 7.7)
900 (-19.9)	1,000 (-11.0)	1,200 (+20.0)	1,200	(+20.0)
-3,183	-3,480	-3,609	-3,660	
2,000	1,765	-	-	
<u>700</u>	<u>565</u>	-	-	
300	165	-	-	
400	400	-	-	
-	-	-	-	
+483	+1,150	-	-	
3,183	3,480	-	-	



PETUNJUK-PETUNJUK EKONOMI UTAMA TERPILIH

	1974
I. EKONOMI-EKONOMI ASING ^{1/}	
1. KNK sebenar	(+0.2)
2. Harga-harga Pengguna (1970 = 100)	(+12.6)
3. Pengeluaran Perusahaan (1970 = 100)	(+0.8)
II. EKONOMI DALAM NEGERI	
1. Perdagangan Antarabangsa: Jumlah eksport (\$ juta)	10,195 (+38.3)
Jumlah import	9,891 (+66.7)
Imbangan Perdagangan	304 (-77.3)
2. Harga-harga (a) Harga eksport (1970 = 100)	152.0 (+34.6)
(b) Harga import	183.6 (+41.3)
(c) Harga pengguna (1967 = 100)	137.6 (+17.4)
(d) Harga barangan utama	
(i) Getah, RSS.1 f.o.b. KL (sen sek kilogram)	179 (+8.5)
(ii) Bijih timah, f.o.b. Pulau Pinang (\$ se pikul)	1,137 (+65.7)
3. Bekalan Wang (\$ juta)	4,055 (+8.6)
4. Pengeluaran Perkilangan (1968 = 100)	215.8 (+15.3)
5. Tenaga Buruh (juta)	1.16 (+3.5)
darinya : Gunatenaga (juta)	(+3.0)

() % kadar perubahan tahunan.

^{1/} Merujuk kepada negara-negara OECD yang terdiri daripada negara-negara OECD Eropah, EEC, Amerika Utara, Jepun, Australia dan New Zealand.

Sumber: Laporan Ekonomi 1978/79.

JADUAL 4

1975	1976	1977	1978 Anggaran	1979 Ramalan
(-0.8)	(+5.3)	(+3.5)	(+3.5)	(+3.3)
(+10.5)	(+8.0)	(+8.0)	(+7.0)	(+7.0)
(-8.3)	(+9.1)	(+3.5)	(+3.0)	(+3.7)
9,231 (-9.4)	13,442 (+45.6)	14,971(+11.4)	16,216 (+8.3)	18,285 (+12.8)
8,530 (-13.7)	9,713 (+13.9)	11,178(+15.1)	13,123 (+17.4)	14,737 (+12.3)
701 (+130.6)	3,729 (+431.9)	3,793 (+1.7)	3,093 (-18.4)	3,548 (+11.7)
132.1 (-13.1)	159.2 (+20.5)	186.5 (+17.1)	196.6 (+5.4)	206.6 (+5.1)
194.6 (+ 6.0)	197.9 (+1.7)	203.1 (+ 2.6)	216.9 (+6.8)	228.8 (+5.5)
144.0 (+4.5)	147.7 (+2.6)	154.8 (+4.7)	162.5 (+5.0)	170.6 (+5.0)
137 (-23.5)	199 (+45.3)	203 (+2.0)	217 (+6.9)	220 (+1.4)
964 (-15.2)	1,146 (+18.9)	1,593 (+39.0)	1,650 (+3.6)	1,700 (+3.0)
4,349 (+7.3)	5,257 (+20.9)	6,127 (+16.6)	7,377 (+20.4)	-
216.0 (+0.1)	256.9 (+18.9)	284.0 (+10.5)	316.7 (+11.5)	354.7 (+12.0)
4.32 (+3.8)	4.17 (+3.5)	4.63 (+3.6)	4.79 (+3.5)	4.96 (+3.5)
4.02 (+3.6)	4.18 (+4.0)	4.34 (+3.2)	4.49 (+3.5)	4.65 (+3.6)

Pengambilan Pelajar - pelajar Tahun Akademik 1977/78
Politeknik Ungku Omar, Ipoh.
Politeknik Kuantan, Pahang.

Pemohonan adalah di perawa dpd warganegara
Malaysia yg berkelayakan untuk mengikuti kursus 2
Juruteknik dan Perdagangan di Politeknik Ungku Omar,
Ipoh dan kursus 2 Juruteknik di Politeknik Kuantan
yg akan bermula pada bulan Julai, 1979.

Pemohonan 2 mestilah lulus peperiksaan SPM/MCE
atau yg setara dengannya dan mempunyai kelulusan
minima seperti di bawah:-

(i) (a) lulus dalam Bahasa Malaysia.

(b) lulus dalam Bahasa Inggeris.

dan (ii) (c) kepujian dalam Ilmu Hisab dan lulus Sains
Fizikal.

(d) Lulus dalam Ilmu Hisab dan kepujian dalam
Sains Fizikal.

Pemohon - pemohon yg ingin mengikuti kursus 2 di Politeknik
Ungku Omar boleh mendapatkan borang-borang permohonan
serta butir-butir lanjut dari:-

Pengetua,
Politeknik Ungku Omar.
Jalan Dairi, Ipoh.


Perak.

Pemohon 2 untuk memasuki Politeknik Kuantan pula
boleh mendapatkan borang serta butir-butir lanjut mengenai
kursus-kursus dari:-
Pengetua,
Politeknik Kuantan, Kuantan, Pahang.



Pemohonan untuk mendapatkan borang hendaklah disertakan dengan pertamax dibawah didalam sampul surat yg bertanda "Pemohonan Masuk di luaranya.

- (a) Borang dibawah yg dilengkapi
- (b) Sumpul surat ukuran 4" x 9" yg beralamat sendiri dan bernombor 25¢.
- (c) Salinan Sijil SPH/MCE atau yg setaraf denganya yg telah disahkan.



PUSTAKA
PERDANA
LIBRARY

atau.

ygat tuan mengirinkan
man dan bitis 2 bagi

Kursus di dalam :

- Jurusan Juniteknik Kejuruteraan Awam . . . ()
- Jurusan Juniteknik Kejuruteraan Lotak . . . ()
- Jurusan Juniteknik Kejuruteraan Jentera . . . ()
- Jurusan Perdagangan ()

(Sila tandakan satu jurusan yg ditibendaki sahaja)

Pelag yang tidak berkenaan

Diterbitkan oleh Jabatan Penerangan Malaysia, Kementerian Penerangan
dan dicetak oleh Percetakan Okid, 20, Jalan Nadchatiram, Cheras, Kuala Lumpur.
B. K. 020 (BM) Okt. 78



PERDANA
LEADERSHIP
FOUNDATION
YAYASAN
KEPIMPINAN
PERDANA